

IN DIE HOË HOF VAN SUID-AFRIKA
(WES-KAAP HOË HOF, KAAPSTAD)

SAAKNOMMER

SS112/05

5 **DATUM**

7 DESEMBER 2010

DIE STAAT

teen

RAYMANDO JACK

10 **CHARLES JOHN KOOPMAN**

ALFONSO FREDERICKS

GEORGE THOMAS

UITSPRAAK

15

GOLIATH, R:

Mnr George Thomas, alias Geweld, staan tereg op twee aanklagtes van moord en verskeie ander aanklagtes. Na
20 sluiting van die Staat se saak is 'n aansoek ingevolge die
bepalings van artikel 174 van die Strafproseswet, 51 van 1977
gedoen. Ingevolge die bepalinge van hierdie Wet het die hof
'n diskresie, indien die Hof van oordeel is dat daar geen
getuienis teen 'n beskuldigde is nie, om 'n beskuldigde op
25 hierdie stadium te ontslaan. Die kern "geen getuienis" is

geïnterpreteer in die saak van S v Kaniapa(?) 1997(1) 824 (A)
op 838f-g as volg:

5 "Geen getuienis waarop 'n redelike mens die
beskuldigde skuldig sou kon vind nie."

In die oorweging van 'n aansoek in terme van artikel 174 het
die Hof in S v Lebatsa(?) 2001(2) SASV 703 (A) dit as volg
opgesom in para 18:

10

"I have no doubt that an accused person, whether
or not he is represented, is entitled to be
discharged at the close of the case for the
prosecution if there is no possibility of a conviction
15 other than if he enters the witness box and
incriminates himself. The ...(indistinct) to
discharge an accused in those circumstances, if
necessary *meru moto* is in my view a breach of the
rights that are guaranteed by the Constitution and
20 will ordinarily vitiate a conviction based exclusively
upon his self incriminating evidence."

Die hoofgetuie, wie mnr Thomas geïmpliseer het in hierdie
saak, is Jarmaine Johnson, alias Moemfie wie 'n enkelgetuie en
25 'n mededader is. Die Hof moet dus met groot omsigtigheid

sodanige getuienis oorweeg. Die Hof moet na die nodige stawing soek as 'n betroubaarheidswaarborg vir die getuienis van 'n mededader. Mnr Johnson het getuig hoedat hy, Cheslyn (alias Muis) wie huidiglik oorlede is; Alfonso
5 Fredericks (alias Wappie) en Mop (beskuldigde 2) 'n paartjie by Lover's Lane in hul motor aangeval het.

Die man is noodlottig op die toneel geskiet en sy liggaam is by Mfuleni deur hom, Wappie, Mop, Muis en die oorledene,
10 Blanche van der Westhuizen, by 'n sandheuwel neergelê. Daarna is hulle na die R300 waar die meisie in die rigting van die Jetta geloop het waar beskuldigde 5 dan teenwoordig was.

Mnr Johnson het getuig hy weet nie wat van haar geword het
15 nie, aangesien hy en Mop daarna die toneel in die gekaapte voertuig verlaat het, alhoewel Muis op 'n later stadium sekere mededelings aan hom sou maak het oor die meisie.

Hierdie misdade is gepleeg teen 'n agtergrond van
20 bendebedrywighede en dwelmhandel. Rudewaan Maniers was in beheer van die dwelms by 14 Luandastraat, waar hy namens beskuldigde 5 met dwelms gesmokkel het. Hy was daar woonagtig en het die besigheid bedryf met die hulp van Muis, Jarmaine Johnson, die hoofgetuie en mededader, en 'n persoon
25 met die naam van Never Smile. Ebrahim Isaacs, wie

woonagtig is by 12 Luandastraat, het ook gehelp om dwelms te verkoop by 14 Luandastraat.

In die loop van die dwelmbedryf het beskuldigde 5 gereeld by
5 die woning aangedoen, meestal in die geselskap van sy bestuurder, beskuldigde 3 alias Blood, aangesien hy nie self bestuur het nie.

Beskuldigde 2 en 4 was dan ook gereeld in beskuldigde 5 se
10 geselskap. Al die beskuldigdes voor die Hof, insluitende Jarmaine Johnson - of miskien moet ek dit andersom stel - almal behalwe beskuldigde 5 voor die Hof gebruik dwelms, asook Jarmaine Johnson. Volgens die getuienis, gebruik beskuldigde 5 slegs alkohol.

15

Ebrahim Isaacs het getuig dat hy die middag van 7 Augustus 2004 'n vuurwapen, wat hy na bewering twee maande vroeër by beskuldigde 5 gekry het, aan Muis oorhandig. Muis het hom genader en vir die vuurwapen gevra. Hy het vir Wappie en
20 Moemfie (Jarmaine Johnson) buitekant sy woning gesien en gevra of dit in orde is dat Muis die wapen moes kom haal. Hulle het dit bevestig en die wapen is aan Muis oorhandig.

Johnson het hierdie vuurwapen later in Wappie se besit gesien
25 by 14 Luandastraat. Wat verder met hierdie vuurwapen gebeur

het, is dat na die aanval op die paartjie het Ebrahim Isaacs dan getuig dat hy vir Muis en Wappie oor die vuurwapen uitgevra het en hulle het hom toe gewys dat dit in 'n vullisdrom was waar hy dit toe gaan haal het en hy het dit toe gaan
5 versteek by 12 Luandastraat onder 'n bungalow. Daar is geen getuienis op rekord dat beskuldigde 5 betrokke was by die oorhandiging van die vuurwapen aan Muis nie.

Jarmaine Johnson getuig dat hy op 7 Augustus 2004 by die
10 woning te 14 Luandastraat, gehoor het dat Muis vir Wappie in sy teenwoordigheid sê dat hy weet waar hy 'n kar kan steel. Hy (Johnson), het toe vir Muis gesê om vir Blood, beskuldigde 5 se bestuurder, te vra om hulle te gaan "drop". Jermaine Johnson het toegegee tydens kruisondervraging dat hy wel
15 voorheen by Lover's Lane in 'n motorkaping betrokke was waar 'n persoon in daardie ander voorval ook geskiet is.

Rudewaan Maniers staaf Johnson oor wat die middag by 14 Luandastraat afgespeel het. Hy het gehoor Wappie en Mop
20 vra vir Moemfie, dit is vir Jarmaine Johnson en die oorledene Muis, of hulle saam gaan op 'n nommer. Daar is geen getuienis op rekord dat beskuldigde 5 teenwoordig was of deel was van die beplanning van die kaping of om die partye te vergesel op die sogenaamde "nommer" nie.

Jarmaine Johnson getuig dat beskuldigde 5 ingestem het om hulle te gaan "drop". Hulle is toe inderdaad afgelaai. Beskuldigde 5 se Jetta het op 'n afstand aan die oorkant van die pad parkeer. Beskuldigde 3 en 5 het agterbly. Volgens 5 Johnson het beskuldigde 3 vanaf die toneel gejaag nadat 'n skoot afgevuur is en hulle het hulle op 'n stadium verloor. Daar is geen getuienis op rekord dat beskuldigde 5 deelgeneem of gesien het wat by die kapingstoneel plaasgevind het nie.

10

Beskuldigde 5 word dan verder verbind deurdat Jarmaine Johnson getuig dat hy in die omgewing was toe oorledene, Noor Salie, se liggaam by Mfuleni afgelaai was. Blykbaar het die Jetta geparkeer oorkant die grondpad waar hy, Jarmaine 15 Johnson is, sou afgery het. Daar is geen staving vir hierdie weergawe nie.

Beskuldigde 5 word verder geïmpliseer deur sekere instruksies of mededelings wat hy aan Maniers en Isaacs sou maak het. 20 Maniers het vier verklarings oor die voorval maak. Hy het sy verklarings aangevul soos sy geheue hom toelaat en eers in 2006 in 'n verklaring genoem dat beskuldigde 5 aan hom sou genoem het dat "Muis het die meisie se 'pep' geblaas". Dit was ongeveer twee jaar na die voorval.

25

Daar is verskillende weergawes rondom instruksies wat beskuldigde 5 sou gegee het met betrekking tot die skoonmaak van die kar. Jarmaine Johnson het getuig dat Cheslyn, alias Muis, het gesê beskuldigde 5 sê dat ons die kar moet
5 skoonmaak. Dit blyk egter later uit Jarmaine Johnson se getuienis, dat Muis gesê het hy moet die kar parkeer en skoonmaak. Maniers daarenteen voer aan dat beskuldigde 5 hom persoonlik gesê het om die kar skoon te maak. Dit is nie duidelik wat die korrekte weergawe is rondom die skoonmaak
10 van die kar nie.

Verder het beskuldigde 5 na bewering vir Maniers gebel en instruksies gegee dat hulle die vuurwapen moet verruil by Katjies. Die vuurwapen is toe uiteindelik weggegooi en is
15 nooit gevind nie. Beskuldigde 5 het dan ook instruksies gegee dat die oorledene se Quick Silver baadjie verbrand moes word. Hierdie baadjie was deur Muis uit die kar gehaal, uitgewas en uitgehang. Maniers het die baadjie op 'n stadium gedra en uiteindelik dit aan Katjies oorhandig. Die baadjie is dus nooit
20 uitgebrand volgens instruksies wat beskuldigde 5 na bewering sou gegee het nie.

Beskuldigde 5 was nooit in besit van enige items gevind of het nooit enige items hanteer nie. Daar is melding gemaak dat
25 beskuldigde 5 'n sogenaamde "master key" aan Jarmaine

Johnson gegee het toe die gekaapte voertuig se sleutel op 'n stadium weg sou geraak het. Rudewaan Maniers het nooit melding gemaak van 'n sleutel wat vermis was nie. Intendeel, daar was nooit sprake van 'n "master"-sleutel tydens
5 getuienisaflegging nie en was nooit in enige verklaring genoem nie. Hierdie inligting het dan die eerste keer tydens kruisondervraging vorendag gekom.

Daar is geen staving vir Jarmaine Johnson se weergawe oor
10 beskuldigde 5 se teenwoordigheid of deelname by die misdaadtonele nie. Die ander getuienis, met betrekking tot die vuurwapen, die skoonmaak van die kar, die Quick Silver baadjie en die sleutel is na my mening van so 'n aard dat daar nie 'n skuldigbevinding op grond daarvan uitgebring kan word
15 nie.

Daar is verder geen redelike vooruitsig dat enige van die ander beskuldigdes, indien hulle sou besluit om te getuig, sodanige staving sal verskaf om beskuldigde 5 met hierdie misdade te
20 verbind nie.

Laastens het die ondersoekbeampte, Heunis, ook in die hof erken dat tydens sy getuienis in beskuldigde 5 se borgverrigtinge, naamlik, dat daar selfoonverbindings tussen
25 beskuldigde 5 en die oorledene se foon was, nie korrek was

nie. Wat die rede daarvoor was, is onduidelik aangesien al die seifoonrekords wel beskikbaar was op daardie stadium.

In die omstandighede is ek van mening dat beskuldigde 5
5 geregtig is om op die aanklagtes teen hom ontslaan te word
en gevolglik word **BESKULDIGDE 5 VRYGESPREK OP AL
DIE AANKLAGTES.** Beskuldigde 5 kan afstaan en word
verskoon van verdere verrigtinge.

10



GOLIATH, R